



VÖG VOLAPÜKA

Daniil Morozov: vicifal
 shido2308@yahoo.com
 Ekaterinburg
 Rossiya / Rusän

Sirkülapenäd Volapükanes valöpo.

YELOD 33^{id}
NÜM: 2
2023 FEBUL
PADS: 9 jü 20.

O Volapükaf lens valöpo!

Gased obsik suvo sümon ad periodapenäd labü literat muadik, ab atna fulon me nuns Volapükamufa. Pübot bo veütikün binon dalebüd cifala tefü cäl ela



„Jan van Steenbergen“ ad liman Volapükakadäma (fotografot flank magon omi). Nemü sog bevünetik Volapüka benovipob ladöfikom demü jenot at. Reidans laidik bo memons, das epenom bosi dö ok it in nümdekula äyelik (sevabo in yeged dö vükiped Volapükik). If no, tän kanoy reidön yegedi nitedik pö vükiped

(https://vo.wikipedia.org/wiki/Jan_van_Steenbergen) u lelogön resodatopedi calöfik kadämana nulik ladetü <http://steen.free.fr/>.

Nüm at i ninädon statudis Volapükanefta balidnaedo ün yel: 2007 < in gased obsik pepübölis. Äsä reidans küpälik okanons küpön, leigodü pübot balid pöks petuvöl ömik pekoräkons. Pö atos siäm leno pevotükon, e vödem lölöfik baiädon ko sotül Linglänapükik, kel i penotükon ün 2012 medü toped calöfik ettimik kadäma. Nu kadäm primon ad vätälön votastidi statudas at ma neods stada Volapükamufa nutimik.

Vipom oles reidi nitedik redakan:

Daniil Morozov

II:10:2023

NUNS.

① YEL NULIK EBLINON VÖDABUKI NULIK.

Primü yanul ‚Hermann Philipps‘: cifal < enotükom medü Vola-
pükagrup ela ‚Facebook‘ sotüli: 3.3 < lebuka, kel ninädon nulavödis sis
yel: 1931 < epubölis. Äsä om it epenom, „at binon sotül: 3.3 < perevidöl
vödaliseda gretik Volapükik=Deutänapükik vödis zao 24'800 ninädöla
plödü vödabuk rigik fa hiel Arie de Jong („Adj‘).

Lised at binädon me fövots fa ‚Adj‘, vöds nulik in „Volapükagased
pro Nedänapükans” yelas: 1932 jü 1963, kelis läxcifal: ‚Brian R. Bishop‘
äsetirom bü yels anik, e me vöds nulik – balugiks e koboädiks –, kelis
vicifal: Daniil Morozov etuvom pö reid vödemas dasamik. I ninädon vö-
dis nulik fa hiel Ralph Midgley e votans.” Fonät bevüresodik at labon
nulavödis komandabik mödik ed oyufon alani, kel uvilon penön Vola-
püko. ♦ ♦ ♦

② BESPIKS NEGLÖMOVİK NOGNA EPUBONS.

Dü yels anik säkäds valasotik Volapüka pabejäfons yufü grup ela
‚Facebook‘. Dili gretik posbinota at ‚Daniil Morozov‘: vicifal < enotükom
fomü doküm mödapadik (pad bevüresodik: ‚https://vk.com/wall-69180623_731‘). Eplänom osi ön mod sököl: „Cedü ob, suvo fikulos ad
tuvön nüni frutik pö sogädaresods nutimik, e klülo nemögos us pö li-
man nulik grupa alik ad reidön nunis valik yelas epasetiköl. Demölo ato-
si, esludob ad kobopladön bespikis bevüresodik säkädas mödik Volapü-
ki tefölas fomü doküm veitöfik. Spelob, das finasek oyufon Volapükanis
fütürik ad no glömön tikamagotis e hüpotetis völadikis anikis bügolanas
oksik.” ♦ ♦ ♦

③ VIO ‚SCHLEYER‘ IT ÄDEIKOM DE PRINSIPS JÖNIK VOLAPÜKA.

Finü mayul äyela tatabukem Bayänik enotükon pö pad bevüresodik
ladetü ‚<https://mdz-nbn-resolving.de/details:bsb00141732>‘ toumi folid
vödabuka zänodagretik fa ‚Johann Martin Schleyer‘ (nüned tefik di
‚djuv‘ binon dagetovik ladetü ‚https://disk.yandex.ru/i/4Uh_HaLbjLk8rA‘).
Ekö! nün dö buk at:

,Schleyer, Johann Martin. **Mittleres Wörterbuch der Universalsprache Volapük. 4, M-R.** – Konstanz am Bodensee : Verlag von Schleyer's Zentralbüro der Weltsprache', 1903. – Padanüms: 577–768 (valodo pads 196).

Fonät at päträiton fa ‚Arie de Jong‘ as dil dabükota lulid vödabuka gretik calöfik. Buk at jonon patis ömik pükadisina ün 1903, kels calöfiko pefinidons ün 1929 pötü zep menoda fa ‚Arie de Jong‘ ko geikam ad noms Volapüka bü yel: 1891. Sams: ün 1903 1^{ido}) yümatonats (pato el *≈a≈*) suvo ädefons in koboyümavöds: ‚Oberhofmarschall‘ = **löpyeadmajal** (vöd nutimik mögik: **löpakuramaredal**), ‚Mittelpartei‘ = **zenodpaledef** (nu **zänodapalet**), ‚Mondsfinsternis‘ = **mundaeg(üb)** (nu **muna-grahan**), ‚Operntext‘ = **lopvödem(buk)** (nu **librät**), ‚Papstwürde‘ = **pa-paldinid** (nu kanon-la pagebön subsat: **papaladinit**), ‚Pasquill‘ = **slanpenot** (nu **slänapenäd**). Koboyümavöds somik ma stuk äsümons ad uts sperantik ed älabons koboyumotis töbo pronovikis binü konsonats balposvotik;

2^{ido}) ta sluds Vpakongreda bevünetik telid in ‚München‘ lönanems anik älabons fomis patik Volapükik. Pösodanems suvo älabons poyü-motis: *≈an*, *≈al* (ad malön famani, saludani, profetani, papali), ädalons pagebön ko yümots: *≈il*, *j≈*. Suvo demü mög gebäda deklinamala tonat finik pösodanemas äbinon el **d** (samo in tonatakoboyumot: *≈ad*, mu pato in vomanems). Ekö! sams anik: ‚Mnemosyne‘ = **Mnemosinad**, ‚Psyche‘ = **Psügad**, ‚Pythia‘ = **Pütiad**, ‚Rachel‘ = **Ragelad**, ‚Pandora‘ = **Pandorad**; ‚Paula‘ = **Paulad**, ‚Jipaul‘ = **Paulil**, ‚Paulchen‘ = **Paulil**, **Jipaulil**, ‚Paul(us)‘ = **Paul(an)**, (saludan) **Paulusal**, ‚Paulina‘ = **Paulinad**, ‚Paulinus‘ = **Paulinan**; ‚Mohammed, Muhammed‘ = **Mohamedan**, **Mohamedal**, ‚Moses‘ = **Mosed(an)**, **Mosedal**, ‚Pius‘ = **Piusan**, **Piusal**, ‚Nikolaus‘ = **Nikolan**, **Nikolal**, ‚Ptolemäus‘ = **Ptolemäal**, ‚Ragedast‘ = **Ragedastan**, **Ragedastal**, ‚Raphael‘ = **Rafaelal**, ‚Odin, Wodan‘ = **Vodan**, **Vodal**, ‚Ormuzd‘ = **Romuzdal**, ‚Osiris‘ = **Soirisal**, **Soirisan**, ‚Pegasus‘ = **pegasaf**.

Nems taledavik id äkanons labön poyümotis (sevabo utis topa) e fi notis kaladik votik: ‚Modena‘ = **Modenän**, **Modenöp**, ‚Perm‘ = **Pärmän**, **Pärmöp**, ‚Moskau‘ = **Moskvaöp**, ‚Nasareth‘ = **Nazaretöp**, ‚Orenburg‘ = **Roenburgöp**, ‚Pfalzburg‘ = **Pfalzburgöp**, ‚Neapel‘ = **Neapolöp**, ‚Nürn-

II:12:2023

berg' = **Nünbärgöp**, *Nünbärg*, *‚Peking‘* = **Pekinöp**; *‚Odenwald‘* = **Doenƒ fot(än)**, *Doenfotöp*, *‚Oder‘* = **Oderöp**, *Doerin*, *‚Nil‘* = **Neil(öp)**, *‚Ober-rhein‘* = **Löporin(öp)**, *‚Onega-See‘* = **Noeglak(öp)**, *‚Petersinsel‘* = **Peterƒ nisulöp**, *‚(St.) Paulsinsel‘* = **Paulusnisul(öp)**, *‚Palmyra‘* = **Palmür(öp)**, *‚Olympia‘* = **Loümpöp**, *‚Quebec‘* = **Kebek(öp)**, *‚Ölberg‘* = (,in Jerus.) **Learbelöp** (nu **Learabel**).

Tefü nümed at Volapük ettimik di ‚Schleyer‘ id äsümon ad sperant, kel jünu labon fomis sperantik nemas. Ye tefü Volapük äbinos-la fikulikum ad memidön lisedi lunik pösodanemas, zifas, flumedas e reta;


3^{ido}) ton nedumik suvo päbuükon bu ton dumik igo ta licin seväƒ dovik stamädas. Vöds somik dabinons id in Volapük nutimik (sams: **bo-lit** pedütülöl de ‚politics, politikos‘, **banorem** de ‚panorama‘), ab äbinons mödo suvöfikums, as sams: *‚Monument‘* = **monumed** (nu **meƒ bamal**), *‚Mosambique‘* = **Mosambigän** (nu **Mozambikän**), *‚Planet‘* = **blaƒ ned(öp)** (nu **planet**), *‚Realkredit‘* = **reakredid** (nu **dinakredit**), *‚Präfekt‘* = **präfedan, präfedal** (nu **prefätan**), *‚Protokoll‘* = **protog** (nu **protok**);

4^{ido}) poyümots noe äbinons meds defomama vödas nulik, abi pägeƒ bons ai as mal siämagrupa ömik, kelos älnükumon Volapükavödis (,Mitlaut‘ = **konsonatir**, ‚Redefigur‘ = **metaforir** pla foms nutimik: **konsonat, metafor**).

Sperimänts at äbinons bisariks, ab no vaniks: danädü ons päkleilüƒ kos, kelos öbinon-la nezesüdikos e nevipabikos in mekavapük. ♦ ♦ ♦

④ TIDABUK PRO KATALONÄNAPÜKANS.

Tü 2023, yanul, 22 pepübön buk tiädü ‚Volapük en deu lliçons‘ (sotül Katalonänapükik tidodema speƒ rantik: ‚Volapuko en dek lecionoj‘ < fa el André Cherpillod, tradutan: ‚Antoni Martí‘). Pö resodatoped dabüköpa: ‚Kratero‘ ü ‚Cráter‘ (<http://www.crater.es/>, pad: ‚Aliaj lingvoj‘ [= „Püks votik“]) kanoy nünöƒ miolodön eli PDF.



II:13:2023

Ya kanoy bonedön buki in köväd düfik lä resodatoped: ‚Lulu’ (https://bit.ly/volapuk_10_cat). Kot: ‚ISBN’ binon 9781387249664, suäm pelonülon ad yurods 14,61 (nen täxet blünasuäma; vödamal: ‚WELCOME15’ mögükon rabati mö dötums 15).

Pad pübota ot i dabinon pö toped: ‚Lektu’, efe ladetü <https://lektu.com/l/crater/volapuk-en-deu-llicons/21042>’.

Pö vob len tradutod okik tradutan medü ‚Facebook’ päbekonsälom fa cifal e vicifal. As dil zuik tidabuk nulik ninädon lisedi Volapükaliterata Spanyänapükik e Volapükaliterata nutimik, sevabo bukotas tumyela teldegbalid. Tidabuk at otuvonös reidanis nitedälik! ♦ ♦ ♦

SE GASEDS VÖNÄDIK.

VOLAPÜK VERENIGING VERGADERDE TE LEIDEN.

De sedert 1890 bestaande algemene Nederlandse wereldtaalvereniging (Volapük vereniging) hield Zaterdag hier ter stede haar algemene vergadering. In het verslag van de secretaris werden verschillende mededelingen gedaan omtrent de Volapük vereniging zelf, de Volapük-beweging in het buitenland en de academie, het tijdschrift, alsmede de verschillende andere bestaande wereldtaalstelsels.

De leden van het hoofdbestuur, dr. A. de Jong en J. G. M. Reynders hebben zich wegens hun hoge leeftijd niet meer herkiesbaar gesteld. Als nieuw hoofdbestuur werden gekozen de heren F. J. Krüger te Amsterdam, voorzitter, A. de Jong Jr. te Leiden, ondervoorzitter en P. H. J. Uittenbogaard te Hilversum, secretaris-penningmeester.

VOLAPÜKAKLUB ÄKOBIKON IN ‚LEIDEN’.

Ün zädel Volapükaklub valemik Nedänik, dabinöl sis 1890, äjenükon tö zif isik kobikami valemik oka. In protok sekretana nuns distöfik pänunons dö Volapükaklub it, Volapükamuf in foginän e kadäm, periodapenäd äsi valemapükasits votik dabinöl.

Limans lecifefa: ‚dr. Arie de Jong’ e ‚J. G. M. Reynders’ demü bäldot vemik okas no ägebidükoms okis dönudaväle. As lecifef nulik pädaväloms söls: ‚F. J. Krüger’ tö ‚Amsterdam’, presidan, ‚A. de Jong Jr.’ tö ‚Leiden’, vipresidan, e ‚P. H. J. Uittenbogaard’ tö ‚Hilversum’, sekretan-kädan.

Se ‚Leidsch Dagblad’, 1951, novul, d. 26^{id}.

Petuvöl e petradutöl fa ‚Jan van Steenbergen’.

II:14:2023



SOG BEVÜNETIK VOLAPÜKA.

Dalebüd cifala de 2023 yanul 24, nüm: 7.

Söl: ‚Jan van Steenbergen‘, pemotöl ün 1970 in zif: ‚Hoorn‘, Nedän, e nu lödöl in zif ‚Ijmuiden‘, pekomandom ed estetom oki vilöfik ad lovesumön cali kadämana sogä bevünetik Volapüka.

Äbejäfom elis „Studs LofüdaYuropik“ pö niver di ‚Amsterdam‘ e nu vobom as tradutan e nätäpretan vü Nedänapük e Polänapük. I sevom gudiko natapükis votik e mekavapükis anik – binom balan datuvanas püka bevüslavik e vüpresidan ela ‚Language Creation Society‘.

- ‚Jan van Steenbergen‘ sevom dibätiko gramati, vödastoki e jenotemi Volapüka.
- Binom sis brefüp guvan vükipeda Volapükik, kel äbinon ön stad negudik sis lunüp, e nu bejäfom koräki e leodükami ona.
- Epenom degatis yegedas in vükiped Volapükik, kels eplaädons numi vemik yegedas, kels pijafädons itjäfidiko ud äbinädons me set te bal.
- Bevobom resodatopedi, kel oninädon vödabukis leäktronik e vödemis pötöfik äsi yufianis pro stud Volapüka.
- Desinom ad jafädön vödabukis Volapükik pro Polänapük, Nedänapük, e bevüslav (el ‚medžuslovjansky‘).

Demü kods at söl: ‚Jan van Steenbergen‘ pacälom as KADÄMAN SOGA BEVÜNETIK VOLAPÜKA.

2023 yanul 24.

Hermann Philipps
Cifal sogä bevünetik Volapüka
Bad Godesberg
Beethovenallee 61
53173 Bonn
Deutän

STATUDS SOGA BEVÜNETIK VOLAPÜKA.

2007 yanul 1; ma koräk vödema at ün yels: 2012 e 2023.

1. Volapükamuf.

- 1.1 Nem.
- 1.2 Topät.
- 1.3 Siämamäk.
- 1.4 Fünadät.
- 1.5 Yel Volapükamufa.
- 1.6 Pük calöfik sogä.
- 1.7 Funds.

2. Zeils sogä.

- 2.1 Konsef e propagid.
- 2.2 Vestig.
- 2.3 Vobots nulik.
- 2.4 Geb püka.
- 2.5 Käl püka.

3. Calans sogä.

- 3.1 Cifal.
- 3.2 Vicifal.
- 3.3 Guvan.

3.4 Calans votik.

3.5 Slopans.

4. Zeils kadäma.

- 4.1 Vobäd zeilas.
- 4.2 Jaf vödas.
- 4.3 Kleilükam dotas.
- 4.4 Zep dabükotas.
- 4.5 Limanastips sogä.

5. Noganükam kadäma.

- 5.1 Limanam löpikün.
- 5.2 Num kadämanas.
- 5.3 Jäf kadäma.
- 5.4 Sluds kadäma.
- 5.5 Kadämans nekomik.
- 5.6 Kadäm büik.

6. Votükam statudas.

- 6.1 Votükams zesüdik.

1. VOLAPÜKAMUF.

1.1 Nem.

Sog bevünetik Volapüka binon lölod utanas, kels steifons ad vemükön sevi okas e votikanas tefü pük bevünetik: Volapük fa hiel Johann Martin Schleyer e ma menodots fa el Arie de Jong.

1.2 Topät.

Topät calöfik sogä binon ladet cifala.

1.3 Siämamäk.

Sog e vobots onik pasevons dub siämamäk, in zänod kela binon talaglöp blägik in mel vietik, ko liens stedik zänik; bal horitätik, votik penditik, e liens fol bofaflanü liens stedik: fol pro lunets krugöl zü povs e fol pro videts krugöl zü zänod. Zü vol in feled sirköfik

II:16:2023

silablövik binons vöds blägik tonatas mayudik, sus talaglöp: VOLAPÜK, e dis talaglöp: MENEFE BAL PÜKI BAL. Val binon in lin sirkik blägik.



1.4 Fünadät.

Dät fūna soga bevūnetik Volapūka binon dät statuda at.

1.5 Yel Volapükamufa.

Vobayel binon kaledayel.

1.6 Pük calöfik soga.

Pük calöfik soga binon Volapük.

1.7 Funds.

Sog no dalabon fundis. Guvan begom lebonedis ad pelön frädis būka āsi seda gaseda e nunotas votik. Ŭf sog sludonöv ad primön dunotis, kels neodons moni, ozesūdos ad labön nemi dunotadilekana, mobis kleilik, tāxeti, fonis monas pespelōlis, e baicedi kadāma. Dū e pos dunot somik, dunotadilekan osedon kadāme alyeliko nunodi dō proged e mons. Ŭf mons alyelik ad atos valik binonsöv plu ka yurods kiltum, ozesūdos, das kadām nemon monikontrolani livātik.

2. ZEILS SOGA.

2.1 Konsef e propagid.

Sog steifūlon ad konsefön e propagidön sevādi, paki e gebi Volapūka da vol lölik.

2.2 Vestig.

Sog vestigon vobotis e dunis pasetikis Volapūkanefa.

2.3 Vobots nulik.

Sog kuradūkon vobotis e dunis nulik in Volapük.

2.4 Geb pūka.

Sog gebon pūki, lönedükōlo oni pro neods tima nuik, as sam: medū jaf vōdas nulik dub kadām Volapūka.

2.5 Käl püka.

Ma vöds cifala: „Johann Schmidt’ in pened privatik: „Vilobs kälön püki at leigoso äsä kälöy Vöna=Grikänapüki u Vöna=Saxadapüki.“

3. CALANS SOGA.

3.1 Cifal.

Cifal binon cif löpikün sogä. Dasumon libaviliko cali cifala e vobon lanäliko ad fümükön zeilis sogä. Dugon e pladulon mufi. Dispenon statudis e sludis kadäma, diplomis xamäbas äsi bligis votik calöfik sogä. Dakipon baläti Volapüka e Volapükamufa. Dilekon kadämi. Cifal kanon, ko baiced pluamanuma kadäma, säcälön limani kadäma. Votaflano, if kadämans cedons, das cifal no fölon bligis oka, pluamanum onas dalabons gitodi ad säcälön oni e ad dünükön fovani.

3.2 Vicifal.

Pavälon fa cifal ko baiced kadäma; preparon oki ad plaädön cifali, u nelaidüpiko u laidüpiko, ko slud baicedik kadäma. Noganükon kolkömis Volapükanefa e yufon cifali in valem.

3.3 Guvan.

Pavälon fa cifal baicedü kadäm. Kälön konömi sogä e dünön as sekretan e redakan gaseda calöfik sogä, papüböla dub meds бүкik e leäktronik.

3.4 Calans votik.

Calan nelaidüpiк povälon ma slud kadäma.

3.5 Slopans.

Slopan binon men alik, kel vipon ad slopön zeilis sogä e panemön Volapükan.

4. ZEILS KADÄMA.

4.1 Vobäd zeilas.

Kadäm dabinon ad födön zeilis sogä bevünetik Volapüka.

4.2 Jaf vödas.

Kadäm dabinon ad calöfiko jafön e lonöfükön vödis nulik, e kleilükon sinifis vödas nulädik, kels no nog dalabons leigätodis Volapükik.

4.3 Kleilükam dotas.

Kadām dabīnōn ad kleilükōn dīnīs dotik tefū vōdastok e gramat Volapūka.

4.4 Zep dabūkotas.

Kadām dabīnōn ad zepōn tidodemīs, vōdabukīs e xamīs Volapūka.

4.5 Limanastips sogā.

Kadām dabīnōn ad sludōn tefū stips limanama sogā, e, medū guvan, ad glidōn limanīs nulik pōtik.

5. NOGANÜKAM KADÄMA.

5.1 Limanam löpikün.

Limanam löpikün kadäma binādon me cīfal, vicīfal e guvan.

5.2 Num kadāmanas.

Num kadāmanas binōn jöl. Utans, kels sevons Volapūki e kels edabūkons literatī tefik, kanons pakomandōn as kadāmans baicedū cīfal.

5.3 Jäf kadäma.

Jäf kadäma podunōn u medū pot kōsōmik, u medū pot leāktronik.

5.4 Sluds kadäma.

Sluds kadäma popūbons fa guvan dub med u meds ya pemānīotōls (bagaf: 3.3 löpo).

5.5 Kadāmans nekomik.

If kadāmans no komons u spodikō, u pōsodikō, u vōgo, sluds podunons fa slopans komöl.

5.6 Kadām būik.

Kadām dabīnik Volapūka fōvon kadāmi, kel pestidōn pōtū būad cīfala (dīlād III) dātū 1934, tū del balid yanula.

6. VOTÜKAM STATUDAS.

6.1 Votükams zesūdīk.

Votükams mögādo zesūdīks statudas at polonūlons me dalebūd fa cīfal baicedū kadām Volapūka.





II:19:2023

GRAMATABRUL.

MAYUDS NESUVIK AS JENÖF GLIFÜKÖL VOLAPÜKA.

In püks mödik noms tefü geb mayudas in nems komplitik tatas e stitodas binons leigiks, ab no in Volapük. Liedo semikna igo mastans Volapüka äs ‚A. Sleumer‘ e ‚J. Schmidt‘ äglömoms patädi at Volapüka. Lio mutoy-li penön lönanemis komplitik? Ma el „Gramat Volapüka“ (bagaf: 20), „if famülanem u tribütanem pösoda binädon me vöds tel u mödikums, vöd balid ona ai papenon me mayud. Vödas retik nema te uts papenons me mayud, kels i in natapük lönik okas papenonsöv me mayud“ (tefö Volapük vöds somik samo binons valiks, „kels pedefomons de vöds me mayud papenöls“). Ma sams se vödabuk calöfik, prinsip ot tefon lönanemis taledavik me vöds anik binädölis, bi vöd balid tatanemas komplitik lölik primon me mayud (**Libatat Lireyeäna, Balatam Sulüda=Frikopa, Flunaziläk bevünetik: ‚Tanger‘, Zif di ‚Vaticano‘**). Ye nems stitodas, sogas, klubas e reta no pemäniotons in bagaf ot gramatibepenota, klu — distidü tatanems ü nems taledavik — no mutons labön mayudi primik. El „Volapüka=gased pro Nedänapükans“ gevons samis mödik minudas primik pö jenets somik, sevabo: **kadäm Volapüka, netafed** (= Lingl. ‚League of Nations‘), **yufapükaklub bevünetik u klub bevünetik yufapükik u noganükam bevünetik yufapüka** (= ‚International auxiliary language association‘), **klub fonetik bevünetik** (= ‚Association phonétique internationale‘), **lelivükamafed bevünetik** (= ‚Internationaler Befreiungsbund‘), **stited : ‚Pasteur‘** (sam se „Gramat Volapüka“), **ni=verabukemöp di ‚Kjöbenhavn‘, tedaniver in ‚Sarajevo‘, niver di ‚Amsterdam‘**. Ye atos no ai tefon nemis u vödedis vü saitamalüls (sam: el „Fed Volapükaklubas“).

Penamamod votik id äkomädon (Netafed, Noganükam netas pebalöl, Lelivükamafed bevünetik, Leklub Fransänik pro propagid Vpa. pla ‚Association française pour la propagation du Vp.‘), ab somikos äjenon latikumo e no äbaiädon ko бүдүлс ela „Gramat Volapüka“. ■

DOG ELAS ,BASKERVILLES’. Kapit lulid (dil 5^{id}).

„Ed onunodolös lü ob mu kuratiko,” ‚Holmes’ äsagom.
„Ven krisid ojenädon, kelosi büocedob, omastob, vio obitolös
ettimo. Cedob, das jü zädel valikos oblūmonöv-li?”

„Atos lönedon-li lü ol? o dokan: ‚Watson!”

„Süperö!”

„Täno tü zädel, pläsif ulelilol votikosi, ukobikobsös ini tren
omotevöl tü düp: deg minuts kildeg < dese ‚Paddington’.”

Älöödobs ad degolön, ven ‚Baskerville’ ävokädom yöbölo, e
posä ijutedom lü bal gulas cema, äsüramenom juki braunik
disaü ramar.

„Juk emoiköl obik!” ävokädom.

„Fikuls valik obsik nepubonsös so fasilo!” ‚Sherlock Hol-
mes’ äsagom.

„Ab atos binon dinäd vemo seledik,” dokan: ‚Mortimer’
äkūpetom. „Edasukob cemi at bü koled.”

„Id edasukob puidi alik ona,” ‚Baskerville’ äsagom.

„Fümo juk änekomon pö on ettimo.”

„Pö jenet at bo dünan ipladom-la oni usio, du äkoledobs.”

Deutānan pilevüdom, ab änotodom nesevi tefü jenet, e
säks nonik äkanons klülükön oni. Säkäd votik nog iläikon lü
sökod laidulik go nesiāmik klänöfotas smalik, kels bal pos
votik ifovons so vifiko. Flanölo löliko jenoti miklänöfik dea-
dama siöra: ‚Charles’, älabobs kedi jenotas neplānovik, kels
valik äjenādons dü dels tel, sevabo: get peneda binü tonats
bükik, lükan labü balib blägik pö bökavab, per juka braunik
nulik, per juka blägik neflifedik, e nu geköm juka braunik
nulik. ‚Holmes’ äseadom seilölo in vab, du ägevegobs lü
‚Baker Street’, ed äsuemob dub logabobs fronöl e logod tiko-
dafulik omiks, das tikāl omik, äs ut obik, ätöbidon ad leodü-
kön dinis valik bisarik et e jiniko neyumedikis ad sit tikavik.
Dü del retik e soar lölik äseadom letikölo in tabaka-smok.

Brefüpo bü säned telegrafots tel pi-loveblinons. Balid äni-
nädon sökölösi:

„Anu esevedikob, das ‚Barrymore’ nu komom pö ‚Hall’.
‚Baskerville’.”

Fövot ofovon.